

- b) koje je imalo status prijeratnog podstanara.

Član 11.

(Posebni kriteriji)

- (1) U okviru posebnih kriterija za šehidske porodice - porodice poginulog borca su:
- šehidska porodica - porodica poginulog borca sa dva i više poginulih i roditelji koji su izgubili jedno dijete,
 - šehidska porodica - porodica poginulog borca sa jednim poginulim i više od troje djece,
 - šehidska porodica - porodica poginulog borca sa jednim poginulim i dvoje djece,
 - šehidska porodica - porodica poginulog borca sa jednim poginulim i jednim djetetom,
 - šehidska porodica - porodica poginulog borca bez djece,
 - roditelji šehida - roditelji poginulog borca sa jednim poginulim borcem.
- (2) U okviru posebnih kriterija za porodice ratnog vojnog invalida su procenat tjelesnog oštećenja.
- (3) U okviru posebnih kriterija za porodice demobiliziranog branioaca su:
- demobilizirani branioци nosioci najviših ratnih priznanja,
 - demobilizirani branioци prvoborci-veterani i organizatori otpora,
 - demobilizirani branioци-logoraši,
 - demobilizirani branitelji.

Član 12.

(Dodatni kriteriji)

Dodatni kriteriji za ostvarivanje prava na stan pod zakup je da se lica nalaze u stanju socijalne potrebe, teško bolesna lica ili sa bolesnim članom porodičnog domaćinstva, kao i teška socijalna situacija.

DIO ČETVRTI - PRIJELAZNE I ZAVRŠNE ODREDBE

Član 13.

(Nadzor)

- Nadzor nad provođenjem ovog pravilnika vrši Ministarstvo.
- Ministarstvo svake godine dostavlja informaciju Vladi Kantona o ostvarivanju prava na dodjelu stana pod zakup i utrošenim sredstvima za tu namjenu.

Član 14.

(Prestanak važenja ranijeg propisa)

Danom stupanja na snagu ovog pravilnika prestaje da važi Pravilnik za dodjelu stana pod zakup ("Službene novine Kantona Sarajevo", broj 6/11).

Član 15.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 06-02-46912/22

17. novembra 2022. godine

Sarajevo

Ministar

Dr. sc. **Omer Osmanović**, s. r.

OPĆINA HADŽIĆI

Općinsko vijeće

Na osnovu člana 26. stav (3) Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18), te člana 14. i 24. Statuta Općine Hadžići ("Službene novine Kantona Sarajevo", broj 15/09, 17/12, 10/13, 14/13 - Ispravka, 11/18 i 1/20), Općinsko vijeće Hadžići, na 19. sjednici održanoj dana 10.11.2022. godine, donosi

ODLUKU

O USVAJANJU PLANA PARCELACIJE STAMBENO NASELJE "LOKVE"-HADŽIĆI

Član 1.

Plan parcelacije Stambeno naselje "Lokve"-Hadžići (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Odluka o provođenju PP Stambeno naselje "Lokve"-Hadžići
- Tekstualni dio Plana.

Grafički dio sadrži:

- Faza-Urbanizam prezentiran na odgovarajućem broju tematskih karata i to:
 - karta 1. - Izvod iz Prostornog plana Kantona Sarajevo
 - karta 2. - Ažurna geodetska podloga
 - karta 3. - Postojeće stanje
 - karta 4. - IG karta
 - karta 5. - Planirano stanje-Razmještaj namjena i spratnost objekata
 - karta 6. - Planirana namjena površina
 - karta 7. - Mreža regulacionih i građevinskih linija
2. Faza saobraćaja
3. Analitička obrada građevinskih parcela.

Član 3.

Idejna rješenja faza saobraćaja, snabdijevanja vodom i odvodnje otpadnih i oborinskih voda, elektroenergetike i javne rasvjete i TK mreže su sastavni dio ovog Plana.

Član 4.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Hadžići i Zavodu za planiranje razvoja Kantona Sarajevo.

Član 5.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-10235/22

10. novembra 2022. godine
Hadžići

Predsjedavajući

Općinskog vijeća Hadžići
Almin Bašić, s. r.

Na osnovu člana 26. stav (3) Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18), te člana 14. i 24. Statuta Općine Hadžići ("Službene novine Kantona Sarajevo", broj 15/09, 17/12, 10/13, 14/13-Ispravka, 11/18 i 1/20), Općinsko vijeće Hadžići, na 19. sjednici održanoj dana 10.11.2022. godine, donosi

ODLUKU

O PROVOĐENJU PLANA PARCELACIJE STAMBENO NASELJE "LOKVE"-HADŽIĆI

Član 1.

Ovom Odlukom utvrđuju se uvjeti izgradnje, uređenja, zaštite prostora i način provođenja Plan parcelacije Stambeno naselje "Lokve"-Hadžići (u daljem tekstu Plan), a naročito granice obuhvata, urbanističko-tehnički uvjeti za izgradnju građevina, uvjeti uređenja građevinskog zemljišta, uvjeti uređenja zelenih površina, kao i površina pod saobraćajem i komunalnom infrastrukturom.

Član 2.

Granica obuhvata polazi od tromeđe parcela k.č. 928/2, 940/6 i 940/5, potom produžava na sjever, te istok idući međama

parcela k.č. 940/5, 940/3, 941/2, 942/2, 942/5, 943 (obuhvata ih) i dolazi do tromede parcela k.č. 944/1, 945/1 i 949. Granica obuhvata nastavlja na jug, te zapad obuhvatajući parcele k.č. 944/1, 944/2, 940/1, 940/5 i dolazi u tromedu parcela, odnosno do mjesta odakle je opis granice i počeo.

Sve gore navedene parcele se nalaze u K.O. Lokve, Općina Hadžići.

Površina obuhvata iznosi $P=1,28$ ha.

Član 3.

Preporuka definisana ovim članom primjenjivat će se kada se stvore zakonski uslovi za provođenje iste, odnosno po donošenju Zakona o proglašenju prirodne cjeline Bjelašnica-Igman.

Obzirom da se prema Prostornom planu Kantona Sarajevo za period 2003.-2023. god. ("Službene novine Kantona Sarajevo", br. 26/06, 4/11 i 22/17), predmetno područje nalazi u vanurbanom području Kantona Sarajevo u zoni planiranog građevinskog zemljišta, preporučuje se, pribavljanje mišljenja Kantonalnog zavoda za zaštitu kulturno-historijskog i prirodnog naslijeđa Sarajevo.

Član 4.

Izgradnja na području planiranja u granicama opisanim u članu 2. se vrši na osnovu Plana.

Član 5.

Urbanističko tehnički uslovi za izgradnju građevina:

5.1. Regulaciona linija i parcelacija:

- Građevinske parcele utvrđene su regulacionom linijom i definisane su u grafičkom dijelu Plana;

Planom utvrđene parcele moguće je zavisno od potrebe potencijalnih investitora spajati više parcela u jednu, pri čemu se ne može remetiti planirani saobraćajni koncept i utvrđena distanca građevinskih linija u odnosu na saobraćajnice i susjedne objekte.

5.2. Građevinska linija:

- Građevinska linija utvrđuje dio građevinske parcele na kojoj je moguće izgraditi građevinu. Građevinskom linijom je utvrđena udaljenost objekta od regulacione linije i pravac pružanja ulične fasade. Građevinska linija ne može prelaziti regulacionu liniju. Unutar građevinskih linija investitor je slobodan da definiše tlocrt građevina s tim da ni jednim dijelom građevina ne može preći građevinsku liniju.

5.3. Spratna visina i etaže objekta:

Planirana spratnost i odstojanje građevinskih linija utvrđene su Planom i ne mogu se mijenjati;

- Spratnost objekata na kosom terenu odnosi se na dio vertikalnog gabarita objekta lociranog na nižoj strani uređenog terena, odnosno računa se od kote najnižeg ruba uređenog terena uz građevinu;

5.4. Arhitektonsko oblikovanje:

Kod arhitektonskog oblikovanja objekata koristiti slobodnije funkcionalno oblikovanje, ali sa jednostavnim-mirnim arhitektonskim linijama.

5.5. Završna etaža i krovnište

Krovovi objekata mogu biti viševodni, preporučuje se primjena jednostavnih krovnih formi.

U slučaju primjene kosih krovova i tavanski prostori se mogu koristiti za sadržaje koji su u funkciji primarne namjene objekta, odnosno, za proširenje postojećih ili uspostavu novih stambenih jedinica. Za krovni pokrivač koristiti sve vrste crijeva.

5.6. Ostali uslovi:

- Koeficijent izgrađenosti utvrđen je i prezentiran u tekstualnom obrazloženju Plana;

- Nivelacione kote prizemlja planiranih objekata u odnosu na saobraćajnicu - ulicu utvrdit će se na osnovu nivelacionih kota saobraćajnica datih u Planu.

- Priklučke na saobraćajnice i mrežu komunalne infrastrukture treba u svakom konkretnom slučaju projektovati u skladu sa Planom (važećim tehničkim normativima) na osnovu faza komunalne infrastrukture koje su sastavni dio Plana.

Član 6.

U Elaboratu o inženjerskogeološkim i geotehničkim karakteristikama terena za potrebe izrade Plana parcelacije Stambeno naselje "Lokve"-Hadžići detaljno su opisane inženjerskogeološke, hidrogeološke i geomehničke karakteristike i građa terena, te su date sljedeće preporuke kojih se treba pridržavati kod projektovanja i gradnje:

- Prilikom projektovanja temelja potrebno je uzeti u obzir ovdje navedene preporuke i geomehničke i seizmičke parametre, te dopuštene napone

- Nisu potrebne posebne drenaže jer se radi o ocjeditom terenu, osim u slučaju izgradnje podzemnih prostorija, za iste je potreban uraditi projekt, sa posebnim osvrtom na hidroizolaciju i zaštitu temeljne jame,

- Slijeganja temelja objekta treba izračunati i provjeriti iterativnim postupkom u saradnji sa odgovornim projektantom glavnog projekta konstrukcije u fazi izrade Glavnog projekta.

- Za individualne stambene objekte temeljenje se može vršiti na temeljnim trakama, temeljno tlo izabrati u skladu sa datim parametrima i provedenim proračunima.

Za svaki budući objekat koji će se graditi na ovom prostoru, treba uraditi posebna geološka istraživanja i uraditi poseban geotehnički Izvještaj. U fazi zemljanih radova i izrade temeljne konstrukcije, obavezan je geotehnički nadzor.

Član 7.

Uređenje građevinskog zemljišta se mora izvesti u obimu i na način kako je to predviđeno Planom.

Izgradnja građevina se ne može započeti bez prethodnog minimalnog uređenja građevinskog zemljišta pod čime se podrazumjeva obezbjeđenje saobraćajnog pristupa parceli, priključenje na vodovodnu, kanalizacionu i elektroenergetsku mrežu, eventualno izmještanje vodova komunalne infrastrukture, te potrebnih radova na stabilizaciji terena.

Privremeno korištenje građevinskog zemljišta koje nije privedeno krajnjoj namjeni se ne može odobriti.

Član 8.

Izgradnja objekata privremenog karaktera može se odobriti isključivo za potrebe gradilišta, a u skladu sa Zakonom o prostornom uređenju Kantona Sarajevo ("Službene novine Kantona Sarajevo", broj 24/17 i 1/18).

Član 9.

Saobraćajne površine su utvrđene planom-faza saobraćaja. Parkiranje - garažiranje za novoplanirane objekte, se mora obezbjeđivati u sklopu pripadajuće parcele.

Prilikom izdavanja urbanističke saglasnosti za novoplanirane objekte, a na osnovu tražene brutto građevinske površine i namjene, neophodno je odrediti broj parking - garažnih mjesta i to na sljedeći način:

za stambenu izgradnju 1 stan - 1 parking mjesto.

Član 10.

Izgradnja i uređenje zelenih površina te komunalne infrastrukture vrši se u skladu sa predhodno pribavljenom odgovarajućom dokumentacijom urađenih na osnovu Idejnih rješenja, koji je sastavni dio Plana.

Član 11.

Uslovi za sklanjanje stanovišta i materijalnih dobara moraju biti obezbjeđeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i odredbama Uredbe o mjerilima, kriterijima i načinu izgradnje

skloništa i tehničkim normativima za kontrolu ispravnosti skloništa ("Službene novine Federacije BiH", broj 21/05).

Član 12.

Pri izdavanju dozvole za građenje arhitektonskih objekata potrebno je pribaviti inženjerskogeološki i geotehnički nalaz i uslove temeljenja od stručnih institucija, a statički proračun mora se dimenzionirati za potrebe najmanje 8° MCS.

Tehnička dokumentacija za realizaciju novih objekata mora biti u saglasnosti sa preporukama vezanim za konstruktivne elemente same građevine i neophodnih radova na okolnom terenu na osnovu detaljnog inženjerskogeološkog i geotehničkog izvještaja, koji treba biti urađen od strane ovlaštene firme.

Obim i kvalitet izvedenih radova vezanih za geoinženjerske uslove moraju biti verifikovani u okviru tehničkog prijema, a upotrebna dozvola se ne može izdati ukoliko predviđeni radovi nisu u obimu i kvalitetu zadovoljavajući.

Član 13.

U postupku donošenja odobrenja za građenje, odnosno u postupku donošenja urbanističke saglasnosti i odobrenja za građenje nivelete pješačkih saobraćajnica, kao i prilazi i ulazi u građevine moraju biti isprojektovane i izvedene prema Uredbi o urbanističko-tehničkim uvjetima, prostornim standardima i normativima za otklanjanje i sprječavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala ("Službene novine Kantona Sarajevo", broj 5/00).

Član 14.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-10234/22
10. novembra 2022. godine
Hadžići

Predsjedavajući
Općinskog vijeća Hadžići
Almin Bašić, s. r.

ZAVOD ZA PLANIRANJE RAZVOJA
KANTONA SARAJEVO
PLAN PARCELACIJE STAMBENO NASELJE "LOKVE"-
HADŽIĆI

Direktor

Faruk Muharemović, Mr. dipl. ing. arh.

Sarajevo, oktobar 2021. godine

NOSILAC PRIPREME PLANA:

NAČELNIK OPĆINE HADŽIĆI

NOSILAC IZRADE PLANA:

ZAVOD ZA PLANIRANJE RAZVOJA KANTONA
SARAJEVO

FAZA: URBANIZAM

POMOĆNIK DIREKTORA ZA DETALJNU PLANSKU
DOKUMENTACIJU:

mr. sc. ZINA RUŽDIĆ, dipl. ing. arh

ODGOVORNI PLANER:

MIRSADA DŽIHO, Mr. dipl. ing. arh.

UVOD

Odluku o pristupanju izradi Plana parcelacije Stambeno naselje "Lokve"-Hadžići (u daljem tekstu: Plan) donijelo je Općinsko vijeće Hadžići, na 39. sjednici održanoj 15.10.2020. godine ("Službene novine Kantona Sarajevo", broj 43/20).

Cilj izrade Plana je:

Da se predmetno područje urbanizira na kvalitetan način, predloži optimalna organizacija prostora sa kompleksom objekata apartmanskog tipa stanovanja i isto opremi kvalitetnom saobraćajnom i komunalnom infrastrukturom, na način da se preispitaju prostorne mogućnosti područja sa aspekta konfiguracije terena, geologije i uslova stabilnosti terena, a poštujući uvjete zaštite okoliša u skladu sa odredbama Zakona o

prostornom uređenju ("Službene novine Kantona Sarajevo", broj 24/17 i 1/18) i Zakona o zaštiti okoliša ("Službene novine Federacije BiH", broj 33/03 i 38/09).

1. POSTOJEĆE STANJE

1.1. Prirodni uslovi

Granica obuhvata polazi od tromede parcela k.č. 928/2, 940/6 i 940/5, potom produžava na sjever, te istok idući međama parcela k.č. 940/5, 940/3, 941/2, 942/2, 942/5, 943 (obuhvata ih) i dolazi do tromede parcela k.č. 944/1, 945/1 i 949. Granica obuhvata nastavlja na jug, te zapad obuhvatajući parcele k.č. 944/1, 944/2, 940/1, 940/5 i dolazi u tromedu parcela, odnosno do mjesta odakle je opis granice i počeo.

Sve gore navedene parcele se nalaze u K.O. Lokve, Općina Hadžići.

Površina obuhvata iznosi P=1,28ha.

Na zahtjev investitora, Općina Hadžići je donijela Odluku o izmjenama i dopunama Odluke o građevinskom zemljištu (broj 01-01-2-2676/2019 od 28.03.2019. godine), a u Ministarstvu privrede je izvršena procedura pretvorbe poljoprivrednog zemljišta u nepoljoprivredne svrhe (akt broj 07-06-20-17553-5/19-R od 03.08.2020. godine).

Izlaskom na teren evidentirano je 5 postojećih objekata i to 2 stambena objekta, 2 devastirana i temelji jednog objekta.

2. ODNOS PREMA PLANU VIŠEG REDA

Prema Prostornom planu Kantona Sarajevo za period 2003.-2023. god. ("Službene novine Kantona Sarajevo", br. 26/06, 4/11 i 22/17), predmetno područje se nalazi u vanurbanom području Kantona Sarajevo u zoni planiranog građevinskog zemljišta, zona evidentirane prirodne cjeline Bjelašnica-Igman, te se preporučuje, obzirom da se nalazi u području navedene prirodne cjeline za koju nije donešen Zakon o proglašenju, zatražiti mišljenje Kantonalnog zavoda za zaštitu kulturno-historijskog i prirodnog naslijeđa Sarajevo.

3. PROSTORNA ORGANIZACIJA I NAMJENA POVRŠINA

Prilikom definisanja prostorne organizacije unutar granica stambenog naselja Lokve -Hadžići, poštovana su usmjerenja za uređenje prostora koja su data smjernicama za izradu Plana. Prostornom organizacijom definisana je sljedeća namjena:

- zona individualnog stanovanja 1,02 ha,
- saobraćajne površine 0,26 ha

Koncept prostorne organizacije zasniva se na obezbjeđenju urbanističkih i planskih preduslova za izgradnju individualnih objekata apartmanskog tipa, te opremanju lokaliteta potrebnom mrežom saobraćajne i komunalne infrastrukture.

Kolski pristup lokalitetu Lokve -Hadžići je sa sjeverne strane sa postojeće lokalne saobraćajnice. U cilju što povoljnijeg kolskog pristupa građevinskim parcelama planiran je kolski pristup u smjeru sjever-jug u širini od 5,50 m.

Predloženim rješenjem planirana je izgradnja 14 novih slobodnostojećih objekata, individualnog stanovanja, spratnosti P1, kao i zadržavanje 2 postojeća stambena objekta uz mogućnost rekonstrukcije, dogradnje, nadogradnje ili zamjene građevinskog fonda.

Ukupna tlocrtna površina 14 novoplaniranih i 2 postojeća objekta iznosi 1320,00 m², ukupne BGP 2640,00 m², sa prosječnom spratnošću P+1.

Polazeći od stanovišta da je planirana individualna izgradnja 1 objekat = 1 domaćinstvo u prosjeku sa 4,5 člana po domaćinstvu, realizacijom planirane stambene izgradnje ukupan broj stanovnika će iznositi 72 stanovnika.

U obuhvatu Plana, prosječna gustina naseljenosti će iznositi 58 st/ha, gdje je procenat izgrađenosti 10,2%, a koeficijent izgrađenosti 0,20.

Planiraće se da zelene površine svojom veličinom (min. 40% od ukupne površine parcele) i strukturom zadovolje potrebe korisnika, uz zastupljenost građevinske i biološke komponente, koje će se u hortikulturnom smislu smjenjivati i dopunjavati tokom cijele godine i doprinositi atraktivnosti prostora. Zelenilo uz objekte individualnog stanovanja će se urediti sa elementima atraktivnih hortikulturnih formi za sve tri vegetacione etaže ili sa voćkama kao pojedinačnih jedinki ili u vidu manjih ili većih grupacija.

Kod projektovanja i gradnje planiranih objekata potrebno se pridržavati preporuka koje će biti date u Elaboratu o inženjersko-geološkim i geotehničkim karakteristikama terena za potrebe izrade Plana parcelacije Stambeno naselje "Lokve"-Hadžići.

5. SAOBRAĆAJ I KOMUNALNA INFRASTRUKTURA

Interna saobraćajnica unutar obuhvata koncipirana je tako da omogućavaju jednostavnu i punu dostupnost svim planiranim objektima, sa gabaritom od 5,50 m.


Parkiranje/garažiranje za individualne objekte obezbijedeno je na pripadajućoj građevinskoj parceli.


Komunalna infrastruktura će se detaljno obraditi kroz Idejna rješenja faza: elektroenergetike; toplifikacije-gasifikacije, kablovske TK mreže i snabdijevanja vodom i odvodnje otpadnih i oborinskih voda.

6. URBANISTIČKO-TEHNIČKI POKAZATELJI

Definisanjem prostora u granici Plana dobiveni su sljedeći urbanističko-tehnički pokazatelji:

- Ukupna površina obuhvata	1,28 ha
- Ukupan broj stanovnika	72 stan.
- Ukupna tlocrtna površina objekata	1320,00 m ²
- Ukupna bruto građevinska površina objekata	2640,00 m ²
- Procenat izgrađenosti (Pi)	10,2 %
- Koeficijent izgrađenosti (Ki)	0,20





**PLAN PARCELACIJE
"STAMBENO NASELJE LOKVE "**

Granica obuhvata P=1,28 ha
R=1: 2500



**PLAN PARCELACIJE
STAMBENO NASELJE
"LOKVE " - HADŽIĆI**

1:1000

**PLANIRANO STANJE - RAZMJESTA J,
SPRATNOST I NAMJENA OBJEKATA**



- granica plana parcelacije
 - - - - - regulaciona linija građevinskih parcela
 - građevinske linije postojećih objekata
- POSTOJEĆI OBJEKTI**
- postojeći objekti: stanovi, kuće, garaže, magacine
 - postojeći objekti: objekti izvanredne namjene
- PLANIRANI OBJEKTI**
- stambeni
 - zelene površine
 - zelene površine: zeleni pojas, zeleni koridor

ZAVOD ZA PLANIRANJE I RAZVOJ KANTONA SARAJEVO

NAZIV:	RAČELNIK OPĆINE HADŽIĆI		
POSREDOVAČ:	PLAN PARCELACIJE STAMBENO NASELJE "LOKVE" - HADŽIĆI		
VRSTA:	URBANIZAM	SKALA:	1:1000
STADIJUM:	PLANIRANO STANJE - RAZMJESTA J, SPRATNOST I NAMJENA OBJEKATA	POSREDOVAČ:	IZVODAK
		POSREDOVAČ:	1:1000
		POSREDOVAČ:	1:1000
		POSREDOVAČ:	1:1000